

許汝清咸陽人父疾籲天願代父愈汝清竟嘔血死

賈志

王應臻鄠縣人家貧貿布養親歲荒養不繼潛然剪髮造其鄰易粟

食親臻與妻啖糠里人感其孝稍周之得脫於厄仇同張彥山俱

富平人賣菜養親嘗以餅魚悅親口而與妻同甘糟糠

賈志

李忍富平人家貧能孝偶獄訟當對縣役羅武朱素豪橫求忍不即

得遂繫忍母以行仍繩穿裳中辱之忍憤然曰安有辱母若此尚

可共戴天耶捶朱立死自詣縣請罪縣官寘以法直指重其行改

戍之

富平志

王一正三原人萬曆十四年出粟賑饑撫按上其事勅賜義士坊以

旌之

敦倫編

仇養蒙富平人萬曆間遇荒負米養親與妻趙氏共餓糟糠母病痢

躬侍湯藥衣不解帶父病足癰輒吮膿血親歿負土築墳廬墓六